

Nā Nīnau Ho‘ono‘ono‘o

He mau nīnau ho‘owala‘au a hō‘eu i ka hana pili i nā wikiō Kumukahi



Kumuhana: **PELE**

Mokuna: Akua

Māhele: Ke Ao Akua

Hoa hele: Keola Akana

Kama‘āina: Kekuhi Kanahale

Paena: http://www.kumukahi.org/units/ke_ao_akua/akua/pele

Nā nīnau kiko‘ī

1. ‘O wai ‘o Pele?
2. He mea nui ‘o Pele, keu aku ho‘i ma Hawai‘i mokupuni. No ke aha?
3. Ua ‘ike mua paha ‘oe i ka lua pele e ‘ā ana? Pehea kou na‘au i ia manawa? ‘O ka hō‘ihi a me ka maka kilo ke ‘ano kūpono ma ia ‘ano wahi. No ke aha?
4. Pehea i ‘oko‘a ai nā ‘ano kino like ‘ole o Pele: ‘o ka pele ‘oe, ‘o ka pōhaku ‘oe, ‘o ka ‘āina ‘oe, ‘o ke kūkaepele ‘oe, ‘o ka uahi ‘oe, a ‘o ka polalauahi ho‘i ‘oe?
5. Ma hope o ko Pele uhi ‘ana i kekahi ‘āina, malo‘o ihola nō ia ‘āina a hiki i ko Hi‘iaka ho‘oulu ‘ana i nā mea hou. Kōkua ‘ia paha ke kaiapuni e ia pō‘aiapuni ‘o ka pepehi, ka make, a me ke ola hou? No ke aha?
6. Wahi a ‘Anakē Kekuhi, huaka‘i ‘o Pele a puni ka honua. I kāu papa, e noi‘i noelo i nā lua pele o nā ‘āina ‘ē e ‘ā mai nei. Ma hea e hū nei ka pele i kēia wā e ne‘e nei?

Nā nīnau laulā

- He aha nā ha‘awina o kēia wikiō e pili ana i ka ‘ike Hawai‘i a me kona mau pono no kēia au e ne‘e nei?
- Pehea e pili ai ia wikiō i kekahi mau hi‘ohi‘ona o ka mo‘omeheu Hawai‘i āu i a‘o ai a i ‘ike ai paha?
- Pehea kākou e ho‘omau ai i kēia mau hana ku‘una Hawai‘i i kēia mua aku?